





Georg 10/12



Georgs-B.



Ein Sendschrieff Martin Luther von Schantzheim und  
fuehrt die Sendung

Sendschrieff Martin Luther und Georg von  
Santzen

Sendschrieff Martin Luther an den Koenig zu  
England und des Koenigs antwort darauff

Koenig Ferdinand Sendschrieff an den bischoff zu  
Luzern was in dem Jahr in Hungern eingangen

Zwei Episteln Joh. apt. vordrueckelt dem  
Koenig zu Frankfurt

Gartmann von Creuzburg zweier Sendschrieff ein an  
den Koenig und ein an frantz von Sickingen

Zwei Sendschrieff Griechisch und Lateinisch von Martino  
und seinen vornehmsten Weis mit ein geschickte  
fortsetzt

Den geschickten Namen

Uebersicht offentlich und brieflich an den  
Koenig zu Franck. Martin Luther

Uebersicht der Armen die stigen in  
wider die weisheit des Koenig. geschickte

Ein Sendschrieff von dem Koenig mit vornehmten  
sach warumb die tuerck von Hungern  
auf gotlicher pflicht verantwortung  
des Koenig

Ein pflicht an die Koenig von dem  
Koenig zu Altdorf

Georgs-B.



Harthunds von Kumburg persönlich Kumburg von dem  
Kaiserlichen Regiment zu Nürnberg das recht gottis  
betrifft

Ein Brief an Papst Adrian auf Verweisung des von  
tunten Bekleidungs

Ein Brief an Martin. Luth: an die drei Fürstlichen  
so von Evangeliums willen aufen freyen Zunge zu  
Koblenz vertrieben sind

Ein Brief von dem besten weltlichen zu dem besten  
Gott vertrieben und ein antwort darauf

Ein Supplicatio und Spruch an Carolus den Königlich  
Kaiser

Ein Brief eines Cardinals barfusser an den Land  
grafen zu Hessen und an einen J. P. rathschreiber  
ein antwort darauf

Ein Christlich Schreiben des Landgrafen von Hessen an  
den Cardinal zu Mainz

Von der Weidgerechtigkeit der Jüdischen pfaffen Markt: Luth

Ein antwort Cathariner Formung off Markt: Luth  
mit Brief Wolff Formung dem man Bekleidungs

Ein und Briefe vordem und die so sich vorgelegt forschlich  
in dem ———— das was eine die Schrift ab unter

Ein Brief an den Cardinal zu Mainz Markt: Luth

Ein Brief Franck von Eiding an seinen Schwager

Ein vordem Marium off dem glauben ein Markt  
gottes gant gebt, was der glaub ist 7c dem  
vordem Beginn





Ein sendbrieff D.  
M. Lutthers.

Von Dolmetscheñ  
vnd Fürbit der  
heiligenn.

M. D. XXX.



# Wenczeslaus Linck allen Christglaubigenn



Gottes gnad vnd barmherzigkeit. Der weise Salomon spricht Prou. 11. Wer Korn inhelt/dem fluchen die leute. Aber segē Kompt vber den/so es verkaufft. Welcher spruch eigentlich zu vorstehen ist von allem das zu gemeinem nutze odder tröste der Christenheit dienen kan. Darumb schilt auch der Herr im Euangelio den vntrewen knecht einen faulen schalck/das er sein gelt in die erden vergraben vnd verborgen hatte. Solchen fluch des herren vnd der gantzen gemein zu vermeiden/hab ich diesen sendtbrieff/der mir durch einen guten freundt zu handen kommen/nit wissen zu verhalten/sonder offentlich in druck geben/Dann die weil der verdolmetzschunge halben/altes vnnnd neues testaments/vil rede sich zutragen/Nemlich die feinde der warheit surgeben/sam were der text an vilen orten geendert/ odder auch verfelschet/da durch viel einfeltige Christen/auch vntern gelerten/so der Hebreischen vnnnd Greqischen sprache nit kundig/entsatzunge odder schew gewinnen/Ist güttlich zu verhoffen das auffs minste zum teil hie mit den gottlosen/jhr lestern vorhindert/vnnnd den frommen ihr scrupel benommen sollen werden/Villeicht auch verursachet/das etwas mehrers auff solche fragstück odder materi/geschriben werde/Bitt der halben einen ieden liebhaber der warheit/wölle ihm sollich werck im besten lassen entsfolhen sein/vnd Gott treulich bitten vmb rechten vorstandt der Göttlichen schrift zu besserung vnnnd meherung gmeiner Christenheit. Amen. Zu

Nürnberg am 15. Septem  
bris. Anno 1539.

D



Arb  
so v  
on d  
an/  
ym  
er zu  
and  
lesen  
(wo  
ant

sehe  
dz si  
en/  
sie v  
teut  
yhr  
sol/  
mar  
nen  
dau  
dern  
den





# Dem Erbarn vnd fürsichtigen

II. meinem günstigen Herrn vnd freunde.



## Had vnd fride in Chri

sto/ Erber fürsichtiger lieber Herr vñ freund/  
ich hab ewer schriftt empfangen mit den zwo  
questionen odder fragen/ darin yhr meines be  
richts begert. Erstlich warumb ich zun Rōs  
mern am dritten capitel / die wort S. Pauli  
Arbitramur hominem iustificari ex fide absq̄ operibus / al  
so verdeutsch habe. Wir halten / das der mensch gerecht werde  
on des gesetzs werck/allein durch den glauben/ Vñ zeigt danebē  
an/wie die Papisten sich vber die massen vnnütze machen / weil  
ym text Pauli nicht stehet das wort Sola (Allein) vnd sey solch  
er zusatz von mir nicht zu leiden ynn Gottes wortten zc. Zum  
andern/ob auch die verstorben Heiligen fur vns bitten/weil wir  
lesen/das ja die Engel fur vns bitten zc. Auff die ersten frage  
(wo es euch gelustet) mügt yr ewern Papisten von meiner wegē  
antworten also.

Zum ersten/Wenn ich D. Luther mich hette mügen des ver  
sehen/das die Papisten alle auff einen hauffen so geschickt werē/  
dz sie ein Capitel yn der schriftt kündten recht vnd wol verteutsch  
en/So wolt ich furwar mich der demut haben finden lassen/vñ  
sie vmb hilff vnd beystand gebeten das Newe Testament zuuer  
teutschen. Aber die weil ich gewüßt/vnd noch vor augen sihe/das  
yhr keiner recht weiß/wie man dolmetschen/odder teutsch reden  
sol/hab ich sie vnd mich solcher mühe vberhaben / Das merckt  
man aber wol/das sie aus meinem dolmetschen vnd teutsch/ler  
nen teutsch reden vñ schreiben/ vñ stelen mir also meine sprache/  
dauon sie zuuor wenig gewist/dancken mir aber nicht dafür/son  
dern brauchen sie viel lieber wider mich. Aber ich gan es in wol/  
den es thut mir doch sanfft/dz ich auch meine vndäckbare jünger

a ij dazu



dazu meine feinde reden gelet habe.

Zum andern mügt yhr sagen/ das ich das Newe Testamēt verdeutsch habe/ auff mein bestes vermügen vnd auff mein gewissen/habe damit niemand gezwungen / das ers lese / sondern frey gelasen/vnd allein zu dienst gethan denen/die es nicht besser machen können/ Ist niemandt verboten ein bessers zu machen. Wers nicht lesen wil/der las es ligen/ich bite vnd seyre niemādt drumb. Es ist mein testament vnd mein dolmetschung / vnd sol mein bleiben vnnnd sein. Hab ich drinnen etwa gefeilet (das mir doch nicht bewußt/vnd freilich vngern einen büchstaben mütwil liglich wolt vnrecht verdolmetschen) darüber wil ich die Papistē nicht zu richter leiden/denn sie haben noch zur zeit zu lange ohren dazu/vnd yhr yck a yck a ist zu schwach mein verdolmetschen zu vrteilen/ Ich weiß wol/vnd sie wissens weniger/denn des Müllners thier/was fur kunst/fleiß/vernunft/verstandt zum gutten dolmetscher gehört/denn sie habens nicht versucht.

Es heist/Wer am wege bawet/der hat viel meister. Also gehet mirs auch. Die jhenigen die noch nye haben recht reden können/schweige den dolmetschen/die sind allzumal meine meister/vnd ich mus yhr aller junger sein. Vnd wenn ich sie hette sollen fragen/wie man die ersten zwey wort Matthei. 1. Liber Generationis solte verdeutschē/so hette yhr keiner gewist gack dazu zu sagen/Vnd vrteilen mir nu das ganze werck/die feinen gefellē. Also giēg es S. Hieronymo auch/da er die Biblia dolmetscht/da war alle welt sein meister/ Er allein war es/der nichts kunste/Vnd vrteileten dem guten man sein werck/die jhenigē / so ym nicht gnug gewest weren/das sie ym die schuch hetten sollē wischen/Darumb gehört grosse gedult dazu/so yemād etwas offentlich guts thun will/denn die wellt wil meister klüglin bleiben/vnd mus ymer das Nos vnter dem schwantz zeumen / alles meistern/vnnnd selbs nichts können / das ist yhr art / dauon sie nicht lassen kan.

Ich wolt noch gern den Papisten ansehen/der sich erfur thet/ vnd etwa eine epistel S. Pauli oder einen Propheten verdeutsch  
et/So



et/ So fern/ das er des Luthers teutsch vñ dolmetzchen nicht da  
zu gebraucht/ da solt man sehen ein fein/ schön/ loblich deutsch od  
der dolmetzchen/ Den wir haben ja gesehe den Sudler zu Dre  
sen/ der mein New Testament gemeistert hat (ich wil seinen na=  
men yn meinen büchern nicht mehr nennen/ So hat er auch nun  
seinen richter/ vnd ist sonst wol bekandt) der bekennet/ das mein  
deutsch fusse vnd gut sey/ vnd sahe wol/ das ers nicht besser ma=  
chen kundt/ vñ wolt es doch zu schandē machen/ fur zu/ vnd nam  
fur sich mein New Testament/ fast von wort zu wort/ wie ichs  
gemacht hab/ vnd thet meine vorhede/ glosß vnd namen dauon/  
schreib seinen namen/ vorhede vnd glosß dazu/ verkaufft also  
mein New Testament vnter seinem namen/ Man liebē kinder/  
wie geschach mir da so wehe/ da sein landsfurst mit einer grew=  
lichen vorhede verdampft/ vnd verbot des Luthers New Testa=  
ment zu lesen/ Doch daneben gebot des Sudlers New Testa=  
ment zu lesen/ welchs doch eben dasselbig ist/ das der Luther ge=  
macht hat.

Vnd das nicht yemand hie dencke/ ich liege / So nym beide  
Testament fur dich / des Luthers vnd des Sudlers/ halt sie ge  
gen ein ander/ so wirstu sehē/ wer yn allen beide der dolmetzcher  
sey/ Denn was er yn wenig orten geflickt vnd geendert hat (wie  
wol mirs nicht alles gefellet) So kan ichs doch wol leiden/ vñnd  
schadet mir sonderlich nichts/ so viel es den text betrifft/ darumb  
ich auch nie da wider hab wöllen schreiben/ sondern hab der gros  
sen weißheit müssen lachen/ das man mein New Testament so  
grewlich gelestert/ verdampft/ verboten hat / weil es vnter meine  
namen ist außgegangen/ Aber doch müssen lesen/ weil es vnter ei=  
nes andern namen ist außgegangen. Wie wol/ was das fur ein tu  
gent sey/ einem andern sein büch lestern vnd schenden / darnach  
das selbige stelen/ vnd vnter eigenem namen dennoch auß lassen  
gehen/ vnd also durch frembde verlesterte erbeyt eygen lob vnd  
namen süchen/ das las ich seinen richter finden. Mir ist ynn des  
gnug/ vnd bin fro/ das meine erbeit (wie S. Paulus auch rhü=  
met) muß auch durch meine feinde geföddert / vnd des Luthers



büch on Luthers namen / vnter seiner feinde namen gelesen werden / Wie künd ich mich bas rechen?

Vnd das ich wider zur sachen kome / Wan ewr Papist sich vil vnnütze machen wil mit dem wort (Sola Allein) so sagt jm flugs also / Doctor Martinus Luther wils also haben / vnnnd spricht / Papist vnd Esel sey ein ding. Sic volo / sic iubeo / sit pro ratione voluntas. Denn wir wöllen nicht der Papisten schuler noch jünger / sonder yhre meister vnd richter sein / Wöllen auch ein mal stolziern vñ pochen mit den Esels köpffen / vñ wie Paulus wider seine tolln Heiligen sich rhümet / so wil ich mich auch widder diese meine Esel rhümen. Sie sind doctores? Ich auch. Sie sind gelert? Ich auch. Sie sind Prediger? Ich auch. Sie sind Theologi? Ich auch. Sie sind Disputatores? Ich auch. Sie sind Philosophi? Ich auch. Sie sind Dialectici? Ich auch. Sie sind Legenten? Ich auch. Sie schreiben bücher? Ich auch.

Vnd wil weiter rhümen / Ich kan Psalmen vnd Prophetē auslegen / Das können sie nicht. Ich kan dolmetzchen / Dz können sie nicht. Ich kan die heiligen schrift lesen / Das können sie nicht. Ich kan biten / Das können sie nicht. Vnd das ich herunter kome / Ich kan yhr eygen Dialectica vnd Philosophia bas / denn sie selbs allesampt. Vnd weiß dazu fur war / das yhr keiner yhren Aristotelem verstehet. Vnnnd ist einer vnter yn allen der ein proemium odder Capittel ym Aristotele recht verstehet / so wil ich mich lassen prellen. Ich rede yzt nicht zuuil / den ich bin durch yhre kunst alle erzogen vnd erfahren von jugent auff / weiß fast wol wie tieff vnd weit sie ist. So wissen sie auch wol / das ichs alles weiß vnd kan / was sie können /loch handeln die heilosen leute gegen mir / als were ich ein gast inn yhrer kunst / der aller erst heut morgen kome were / vñ noch nie weder gesehen noch gehört hette / was sie leren odder können / So gar herrlich prangen sie herein mit yhrer kunst / vnd leren mich / was ich vor zwenzig jaren an den schuhen zu rissen habe / das ich auch mit ihener metzen auff all yhr plerren vnd schreien singen mus / Ich habß fur sibem jaren gewiß / das hüßnegel eyßen sind.

Das



Das sey auff ewr erste Frag geantwortet/vñ bitte euch/wöl  
let solchen Eßeln ja nicht anders noch mehr antworten auff yhr  
vnnütze geplerre vom wort Sola / Denn also viel/ Luther wils  
so haben/vñ spricht/ Er sey ein Doctor vber alle Doctor im gan  
zen Bapstum/da sols bey bleiben/ Ich will sie hinfürt schlecht  
verachten/vnd veracht haben/so lange sie solche leute(ich wolt sa  
gen) Eßel sind/Denn es sind solche vnuerschempte tropffen vn  
ter yhn/die auch yhreigen der Sophisten kunst nye gelernt ha  
ben/wie Doctor Schmidt/vnd doctor Rozlöffel/vnd seine glei  
chen/vnd legen sich gleich wol widder mich/yn dieser sachen / die  
nicht allein vber die sophisterey/sondern auch(wie sanct Paulus  
sagt)vber aller welt weißheit vnd vernunft ist. Zwar es durfft  
ein Eßel nicht viel singen/man kennet yn sonst wol bey den ohre.

Euch aber vnd den vnsern wil ich anzeigen/ warumb ich dz  
wort(sola)hab wöllen brauchen/Wiewol Roma.3.nicht sola/  
sondern solum odder tantum von mir gebraucht ist. Also sein se  
hen die Eßel meinen text an. Aber doch hab ichs sonst anders wo  
sola fide gebraucht vñ wil auch beide solum vnd sola haben. Ich  
hab mich des geflissen ym dolmetzchen / das ich rein vnd klar  
teutsch geben möchte. Vnd ist vns wol oft begegnet / das wir  
vierzehen tage/drey/vier wochen haben ein einiges wort gesucht  
vnd gefragt/habens dennoch zu weilen nicht funden. Im Hiob  
arbeiten wir also/M. Philips /Autogallus vnd ich/ das wir yn  
vier tagen zu weilen kaum drey zeilen kundten fertigen. Lieber/  
nu es verdeutsch vñ bereit ist/kans ein yeder lesen vnd meistern/  
Laufft einer yzt mit den augen durch drey vier bletter vnd stoff  
nicht ein mal an/wird aber nicht gewar welche wacken vnd klö  
ge da gelegen sind/da er yzt vber hin gehet/ wie vber ein gehof  
felt bret/da wir haben müssen schwitzen vñ vns engsten / ehe den  
wir solche wacken vnd klotze aus dem wege reümeten / auff das  
man kündte so fein daher gehen. Es ist gut pflugen / wenn der  
acker gereinigt ist. Aber den wald vnd die stöcke aus rotten/ vnd  
dē acker zu richten/da will niemandt an. Es ist bey der welt kein  
danc̄ zu verdienen/ Kan doch Got selbs mit der sonnen/ ja mit  
himmel

Das



himmel vnd erden/noch mit seines eigen sons tod keinen danc̄ ver  
dienen/sie sey vñ bleibt welt des̄ teuffels namen/weil sie ja nicht  
anders will.

Also habe ich hie Roma. 3. fast wol gewist/ das ym Lateini  
schen vnd Krigischen text das wort (solum) nicht stehet/ vnd hettē  
mich solchs die papisten nicht dürffen leren. War ifts. Dise vier  
buchstaben s o l a stehen nicht drinnen / welche buchstaben die  
Efelsköpff ansehen/wie die Kue ein new thor/ Sehen aber nicht  
das gleichwol die meinung des text ynn sich hat/ vnd wo mans  
wil klar vnd gewaltiglich verteutschen/so gehoret es hinein/ denn  
ich habe deutsch/nicht lateinisch noch Krigisch reden wollen / da  
ich teutsch zu reden ym dolmetzchen furgenomen hatte. Das ist  
aber die art vnser deutschen sprache/wenn sie ein rede begibt/von  
zweyen dingen/der man eins bekennet/vñ das ander verneinet/  
so brauchet man des worts solum (allein) neben dem wort (nicht  
oder kein) Als wenn man sagt/ Der Bäur bringt allein Korn vñ  
kein geldt/ Mein/ich hab warlich yzt nicht geldt / sondern allein  
Korn. Ich hab allein gessen vnd noch nicht getruncken. Hastu al  
lein geschrieben vnd nicht vberlesen. Vnd der gleichen vnzeliche  
weise yn teglichen brauch.

In disen reden allē/obs gleich die lateinische oder Kriechische  
sprach nicht thut/so thuts doch die deutsche/vnd ist yhr art / das  
sie das wort (allein) hinzu setz/auff das das wort (nicht oder  
kein) deste volliger vnd deutlicher sey/ Denn wie wol ich auch sa  
ge/ Der Bäur bringt Korn vñ kein geld/ So laut doch das wort  
(kein geldt) nicht so vollig vnd deutlich/ als wenn ich sage/ Der  
Bäur bringt allein Korn vnd kein geldt/ vnd hilfft hie das wort  
(Allein) dem wort (kein) so viel/ das es ein vollige Deutsche klare  
rede wird/ den man mus nicht die buchstaben inn der lateinischē  
sprachen fragē/wie man sol Deutsch redē/wie diese esel thun/son  
dern/man mus die mutter ihm hause/die kinder auff der gassen/  
den gemeinen mā auff dem marckt drum̄b fragen/vñ den selbigē  
auff das maul sehen/wie sie reden/vnd darnach dolmetzchen/so  
verstehen sie es den/vñ mercken/das man Deutsch mit jn redet.

Als

tur  
ben  
gen  
er de  
ding  
das  
wol  
deut  
flus  
müt  
des g  
gesti  
die la  
zu re  
perd  
cta ef  
so ve  
hen?  
so/ve  
stehen  
der si  
Wer  
mach  
sen d  
kunst  
quid  
schad  
raus  
sey vñ  
Jud  
set sei



Als wenn Christus spricht/ *Er abundantia cordis os loqui*  
*tur.* Wenn ich den *Eseln* sol folgen/ die werden mir die buchsta-  
ben furlegen/ vnd also *dolmetschen*/ Auß dem vberflus des her-  
zen redet der mund. Sage mir/ Ist das deutsch geredt? Welch  
er deutscher verstehet solchs? Was ist vberflus des hertzē fur ein  
ding? Das kan kein deutscher sagen/ *Er* wolt denn sagen/ es sey  
das einer allzu ein *gros* hertz habe / oder zu vil hertzes habe/ wie  
wol das auch noch nicht recht ist/ den vberflus des hertzen ist kein  
deutsch/ so wenig/ als das deutsch ist/ *Vberflus* des hauses/ vber-  
flus des *kacheloffens*/ vberflus der *handt*/ sondern also redet die  
*mütter* ym haus vnd der *gemeine man* / *Wes* das hertz vol ist/  
des gehet der mund vber/ dz heist gut deutsch geredt/ des ich mich  
geflüssen/ vñ leider nicht allwege erreicht noch *troffen* habe/ Den  
die *lateinischē* buchstabē hindern aus der *massen* seer gut deutsch  
zu reden.

Also/ wen der *verrether Judas* sagt/ *Matthei. 26.* *Vt quid*  
*perditio hec?* Vnd *Marci. 14.* *Vt quid perditio ista vngenti fa-*  
*cta est?* Folge ich den *Eseln* vnd *buchstabilisten*/ so mus ichs al-  
so *verdeutschten*/ *Warumb* ist dise *verlierung* der *salben* gesche-  
hen? Was ist aber das fur deutsch? Welcher deutscher redet al-  
so/ *verlierung* der *salben* ist *geschehen*? Vnd wenn ers wol ver-  
stehet/ so denckt er/ die *salbe* sey *verloren*/ vnd musse sie *erwa* wi-  
der *suchen*/ *Wiewol* das auch noch *tunckel* vnd *ungewiß* lautet.  
Wenn nu das gut deutsch ist/ *warumb* treten sie nicht *erfur*/ vñ  
machen vns ein solch *fein hubsch new deutsch Testament*/ vñ las-  
sen des *Luthers Testament* ligen? Ich meine ja sie solten *yhre*  
*kunst* an den tag bringen/ *Aber* der *deutsche man* redet also/ *Vt*  
*quid 2c.* Was sol doch solcher *vnrat*? *odder*/ was sol doch solcher  
*schade*? *Nein*/ *Es* ist *schade* vmb die *salbe*/ das ist gut deutsch/ da-  
raus man *verstehet*/ das *Magdalene* mit der *verschutten salben*  
sey *vnrethlich vmbgangen* vnd habe *schadenn* gethan / das war  
*Judas meinung*/ denn er *gedacht* *bessern rat* damit zu *schaffen*.

Item da der *Engel Mariam* grüßet vnd spricht/ *Gegrüß-*  
*set* seistu *Maria* vol *gnadē*/ der *Herr* mit dir? *Wolan*/ so ist's bis  
b her/



her / schlecht den lateinischen buchstaben nach verdeutschet / sage mir aber ob solchs auch gut deutsch sey? Wo redet der deutsch man also/ du bist vol gnaden? Vnd welcher Deutscher verstehet/ was gsagt sey/ vol gnaden? Er mus dencken an ein vas vol bier / oder beutel vol geldes / darumb hab ichs vordeutschet. Du holdselige/ da mit doch ein Deutscher / destet meher hin zu kan dencken/ was der engel meinet mit seinem grus. Aber hie wöllen die Papisten toll werden vber mich/ das ich den Engelischen grus verderbet habe. Wie wol ich dennoch da mit nicht das beste deutsch habe troffen. Vnd hette ich das beste deutsch hie solten nemen/ vnd den grus also verdeutschen/ Gott grusse dich du liebe Maria (denn so vil wil der Engel sagen / vnd so wurde er geredt haben/ wan er hette wollen sie deutsch grussen) ich halt sie solten sich wol selbs erhenckt haben fur grosser andacht/ zu der lieben Maria / das ich den grus so zu nichte gemacht hette.

Aber was frage ich darnach? sie toben oder rasen / ich wil nicht wehren / das sie verdeutschen was sie wöllen / ich wil aber auch verdeutschē/ nicht wie sie wöllen/ sonder wie ich wil/ wer es nicht haben wil/ der las mirs stehen/ vñ halt seine meisterschafft bey sich/ denn ich wil ir weder sehen noch hören/ sie dorffen fur mein dolmetzchen nicht antwort geben/ noch rechen schafft thun/ Das hörestu wol / ich wil sagen/ du holdselige Maria / du liebe Maria . vnd las sie sagen/ du volgnaden Maria. Wer Deutsch kan/ derweis wol / welch ein hertzlich fein wort das ist/ die liebe Maria/ der lieb Gott / der liebe Keiser / der liebe fürst/ der lieb man/ das liebe kind. Vnd ich weis nicht/ ob man das wort liebe/ auch so hertzlich vnd gnugsam in Lateinischer oder andern sprachen reden müg / das also dringe vnd klinge ynns hertz / durch alle sinne wie es thut in vnser sprache.

Denn ich halt S. Lucas als ein meister in Hebreischer vnd Greckischer sprache / hab das Hebreisch wort / so der Engel gebraucht/ wöllen mit dem Greckischen kcharitomeni/ treffen vnd deutlich geben. Vnd denck mir der Engel Gabriel habe mit Maria geredt / wie er mit Daniel redet / vnd nennet jnn Hamudoth



mudoth vñ Iſch Hamudoth/ vñ defideriorum/ das iſt/ du lieber  
Daniel. Denn das iſt Gabriellis weiſe zu reden / wie wir ihn  
Daniel ſehen. Wenn ich nu den buchſtaben nach / aus der eſel  
kunſt/ ſolt des Engels wort verdeutſchen/ muſte ich alſo ſagen/  
Daniel du man der begirungen oder/ Daniel du man der luſte/  
Das were ſchon deutſch/ Ein deutſcher hozet wol / das Man/  
Luſte/ oder begyrunge/ deutſche wort ſind/ wie wol es nicht eytel  
reine deutſche wort ſind/ ſondern luſt vnd begyr/ weren wol beſ-  
ſer. Aber wenn ſie ſo zuſammen gefaſſet werden/ du man der begy-  
rungen/ ſo weiß kein deutſcher was geſagt iſt/ denckt / das Da-  
niel vñlleicht vol böſer luſt ſtecke / Das hieſſe denn ſein gedol-  
metzſcht. Darumb mus ich hie die buchſtaben faren laſſen/ vñnd  
forſchen/ wie der Deutſche man ſolchs redet / welchs der Ebrei-  
ſche mā iſch Hamudoth redet/ So finde ich/ das der deutſche mā  
alſo ſpricht/ Du lieber Daniel/ du liebe Maria/ oder du holdſeli-  
ge mad/ du medliche junckſraw/ du zartes weib/ vñnd der gleich-  
en. Den wer dolmetzſchen wil / mus groſſe vorrath von worten  
haben/ das er die wol könne haben/ wo eins an allen orten nicht  
lauten will.

Vnd was ſol ich vil vñnd lange ſagen von dolmetzſchenn?  
Solt ich aller meiner wort vñſachen vñnd gedancken anzeigen/  
ich müſte wol ein jar dran zu ſchreiben haben. Was dolmetzſchen  
für kunſt vñnd erbeit ſey/ das hab ich wol erfahren/ darumb wil ich  
keinen papſteſel noch mauleſel/ die nichts verſucht habē / hierinn  
zum richter oder thadeller leiden. Wer mein dolmetzſchen nicht  
wil/ der las es anſtehen/ Der Teuffel dancke yhm/ wers vnger-  
ne hat oder on meinen willen vñnd wiſſen meſtert. Sols gemei-  
ſtert werden/ ſo wil ichs ſelber thun. Wo ichs ſelber nicht thu/ da  
laſſe man mir mein dolmetzſchen mit friden/ vñnd mache ein iglich  
er was er wil für ſich ſelbs / vñnd habe ym ein gut jar.

Das kan ich mit gutem gewiſſen zeugen/ das ich meine höch-  
ſte trew vñnd vleiß drinnen erzeigt/ vñnd nye kein falſche gedancke  
gehabt habe/ denn ich habe keinen heller da für genommen noch ge-  
ſäht/ noch damit gewonnen/ So hab ich meine ehre drinnē nicht  
b ij gemeinet



gemeinet/das weis Gott mein Herr/sondern habz zu dienst ge  
than den lieben Christen/vnnd zu ehzen einem der droben sizet/  
der mir alle stunde so vil guts thut/das wenn ich tausent mal so  
vil vnd vleissig gedolmetzcht/dennoch nicht eine stunde verdienet  
hette zu leben/odder ein gesundt auge zu haben/ Es ist alles sei-  
ner gnaden vñ barmherzigkeit/was ich bin vnd habe/ Ja es ist  
seines theurē bluts vnd sauren schweißes/darumb sols auch (ob  
Gott wil) alles yhm zu ehzen dienen/mit freuden vnnd von her-  
zen. Lestern mich die Sudeler vnd Bapstefeln/wol an/so lobenn  
mich die frumen Christen sampt yhrem hern Christo / Vnd bin  
allzu reichlich belohnet/wo mich nür ein einiger Christ fur einen  
trewē erbeiter erkennet. Ich frag nach Bapstefeln nichts/sie sind  
nicht werd/das sie meine erbeit sollen erkennen / vnd solt mir ym  
grund meins hertzen leid sein/das sie mich lobetenn. Ihr lestern  
ist mein höhester rhüm vñ ehr/ Ich will doch ein Doctor/ja auch  
ein ausbündiger Doctor sein/vnd sie sollen mir den namen nicht  
nemen/ bis an den Jüngsten tag/ das weiß ich furwar.

Doch hab ich widerumb nicht allzu frey die buchstaben las-  
sen faren/Sondern mit grossen sorgen sampt meinen gehülffen  
drauff gesehen/das wo et wa an einem ort gelegenn ist / hab ichs  
nach den buchstaben behalten/vñ bin nicht so frey dauon gangē/  
als Johannes .6. da Christus spricht/ Disen hat Got der vatter  
versiegelt/da were wol besser deutsch gewest/Disen hat Gott d  
vater gezeichnet/odd disen meiner Gott der vater. Aber ich habe  
ehe wöllen der deutschen sprache abbrechen/denn von dem wort  
weichen. Ab es ist dolmetzchen ja nicht eines iglichen kunst / wie  
die tolln Heilige meine/Es gehöret dazu ein recht/frum/trew/  
vleissig/forchtsam/Christlich/geleret/erfarn/geübet hertz / Da-  
rumb halt ich/das kein falscher Christ noch rottengeist trewlich  
dolmetzchen könne/wie das wol scheinett inn den prophetenn zu  
Wormbs verdeutschet/darinn doch warlich grosser vleis gesche-  
hen/vnd meinem deutschen fast nach gangen ist. Aber es sind Jü-  
den da bey gewest/die Christo nicht grosse hulde erzeigt haben/  
sonst were kunst vnd vleis genug da.

Das



Das sey vom dolmetschen vñ art der sprachen gesagt. Aber nu hab ich nicht allein der sprachen art vertrauet vnd gefolget/ das ich Roma. 3. solum (Allein) hab hinzu gesetzt/ Sonder der tert vnd die meinung S. Pauli foddern vnd erzwingens mit gewalt/ denn er handelt ja daselbs das hauptstück Christlicher le- re/nemlich das wir durch den glauben an Christū/ on alle werck des gesetzes gerecht werden/ Vnd schneit alle werck so rein abe/dz er auch spricht/des gesetzes (das doch Gottes gesetz vñ wort ist) werck nicht helfen zur gerechtigkeit/ Vnd setzt zum exempel Abraham/das der selbige sey so gar on werck gerecht worden/das auch das hōhest werck /das dazu mal new gepotē ward von got fur vnd vber allen andern gesetzen vnd wercken/ nemlich die beschneidung/vñ nicht geholffen hab zur gerechtigkeit/sonder sey on die beschneidung vnd on alle werck gerecht worden durch den glaubē wie er spricht Cap. 4. Ist Abraham durch werck gerecht wordenn/so mag er sich rhūmen/aber nicht fur Gott. Wo man aber alle werck so rein abschneit/vñ da mus ja die meinung sein/das allein der glaube gerecht mache/vnd wer deutlich vnd durre von solchem abschneiden der werck redet wil/ der mus sagen/ Allein der glaube/vnd nicht die werck machen vns gerecht/ dz zwin- get die sache selbs neben der sprachen art.

Ja sprechen sie/Es laut ergerlich/vnd die leute lernē daraus verstehen/das sie keine gute werck thun dürffen. Lieber was sol man sagen? Ists nicht viel ergerlicher/das S. Pauls selbs nicht sagt/allein der glaube/sondern schuttets wol gröber eraus/ vnd stoffet dem faß den boden aus vnd spricht/ On des gesetzes werck/ Vnd Gala. 1. nicht durch die werck des gesetzes/vñ des vil mehr an andern orten/denn das wort(allein der glaube) möcht noch eine gloß findē/Aber das wort(on werck des gesetzes) ist so grob/ ergerlich/schendlich/das man mit keiner glossenn helfen kan/ Wie viel mehr möchten hieraus die leute lernen kein gute werck thun/da sie hören mit so durren starcken Worten von den werckē selbs predigen (Kein werck/on werck/nicht durch werck) ist nu dz nicht ergerlich/das mā(on werck/kein werck/nicht durch werck)

b iij predigt



predigt/was solts den ergerlich sein/so man diß (allein der glau  
be) predigt

Vnd dz noch ergerlich ist/S. Paulus verwürfft nicht schlech  
te gemeine werck/sonder des gesezes selbs. Daraus möchte wol  
yemand sich noch mehr ergern vnd sagen/ Das gesez sey verdäp  
t vnd verflucht fur Gott/ vnd man solle eytel böses thun / wie die  
theren Roman. 3. Last vns böses thun/ auff das es gut werde/  
wie auch ein rotten geyst zu vnser zeit anfieng. Solt man vmb  
solcher ergernis willen S. Paulus wort verlaugnen/oder nicht  
frisch vnd frey vom glauben reden? Lieber eben S. Paulus vñ  
wir wöllen solch ergernis haben/vñ leren vmb keiner ander vrsa  
chen willen/so starck wider die werck/ vñ treiben allein auff den  
glauben/das die leute sollen sich ergern/stossen vnd fallen/damit  
sie mugen lernen vñ wissen/das sie durch yr gute werck nit frum  
werden/sondern allein durch Christus tod vñ aufferstehē/ Kön  
nen sie nu durch gute werck des gesezes nicht frum werden/wie  
vil weniger werden sie frum werden durch böse werck vñ on ge  
sez/Darumb folget es nicht/Gute werck helffen nicht/darumb  
helffen böse werck/gleich als nicht sein folgt/Die sonne kan dem  
blinden nicht helffen das er sehe/darumb mus ym die nacht vnd  
finsternis helffen/das er sehe.

Mich wundert aber/das man sich yn diser offentlichen sachē  
so mag sperrē. Sage mir doch/ob Christus tod vñ aufferstē vn  
ser werck sey/das wir thun/oder nicht? Es ist ja nit vnser werck/  
noch einiges gesezes werck. Tu macht vns ja allein Christus tod  
vñ aufferstehen frey von sunden vñ frum/wie Paulus sagt Ro.  
4. Er ist gestorbe vmb vnser sunde willen/vñ aufferstandē vmb  
vnser gerechtigkeit willē. Weiter sage mir/ Welchs ist dz werck/  
damit wir Christus tod vñ aufferstehē fassen vñ haltē? Es mus  
ja kein eusserlich werck/sondern allein der ewige glaube ym her  
zen sein/der selbige allein/ja gar allein/vnd on alle werck fasset  
solchen tod vñ aufferstehen wo es gepredigt wird durchs Euan  
gelion. Was ist's den nu/dz man so tobet vñ wütet/kezert vñ brē  
uet/so die sach ym grundt selbs klerlich da ligt vnd beweiset/ das  
allein



allein der glaube Christus tod vñ auffstehē fasse on alle werck /  
vnd der selbige tod vñ auffstehen sey vnser leben vnd gerechtig-  
keit. So es den an ym selbs offentlich also ist / dz allein der glau-  
be vns solch lebē vñ gerechtigkeit bringet / fasset vñ gibt / Warūb  
soll man den nicht auch also redē? Es ist nit ketzerey / dz der glau-  
be allein Christū fasset / vñ das leben gibt / Aber ketzerey muß es  
sein wer solchs sagt od redet. Sind sie nit toll / töricht vñ vnfinig?  
die sachē bekenen sie fur recht / vñ straffen doch die rede vō der sel-  
bigen sache fur vnrecht / keinerley zu gleich / mus beide recht vñ vn-  
recht sein.

Auch bin ichs nicht allein / noch der erste / der da sagt / Allein  
der glaube mach gerecht / Es hat fur mir Ambrosius / Aug. vñ  
vil andere gesagt / Vñ wer S. Paulū lesen vñ verstehen sol / der  
mus wol so sagen / vñ kan nit anders. Seine wort sind zu starck /  
vñ leidē kein / ja gar kein werck. Ists kein werck / so mus der glau-  
be allein sein. V wie solt es so gar ein feine / besserliche / vnergerli-  
che lere sein / weñ die leute lernē / dz sie neben dem glauben / auch  
durch werck frum möchtē werden / Dz wer so vil gesagt / dz nicht  
allein Christus tod vnser sunde weg neme / sondern vnser werck  
thettē auch etwz da zu / dz hies Christus tod fein geehret / das vn-  
ser werck ym hulffen / vñ kōndtē das auch thun das er thut / auff  
das wir yhm gleich gut vñ starck weren. Es ist der Teuffel / der  
das blut Christi nicht kan vngesichendet lassen.

Weil nu die sache ym grūd selbs fodert / dz man sage / Allein  
d glaube mach gerecht / Vñ vnser deutschē sprachē art / die solchs  
auch lernt also aus zusprechen. Habe dazu der Heiligē vāter exē-  
pel / vñ zwinget auch die fahr d leute / dz sie nit an den werckē han-  
gē bleibē / vñ des glaubēs feilē / vñ Christū verlierē / sonderlich zu  
diser zeit / da sie so lang her der werck gewonet / vñ mit macht da-  
von zu reissen sind. So ist nit allein recht / sondern auch hoch vō-  
nōtē / dz man auffs aller deutlichst vñ voligst eraus sage / Allein  
der glaube on werck mach frum / vnd rewet mich / das ich nit  
auch dazu gesetzt habe alle vñ aller / also on alle werck aller gesetz  
das es vol vnd rund eraus gesprochen were / darūb solt inmeine  
Newē



Newen Testament bleiben/ vnd solten alle Papstfessel toll vnd tö  
richt werden/ so sollen sie mirs nicht eraus bringen. Das sey yetzt  
dauon gnug/ Weiter wil ich (so Gott gnade gibt) dauon reden  
ym buchlin de iustificatione.

Auff die andern frage/ ob die verstorben Heiligen fur vns bit  
ten. Darauff wil ich yetzt kurtzlich antwortenn/ denn ich ge  
denck einen sermon von den lieben Engeln auszulassen / darinn  
ich diß stück weitter (wils Gott) handeln werde. Erstlich wis  
set yhz/ das ym Bapstum nicht allein das geleret ist/ das die Hei  
ligen ym hymel fur vns bitten/ Welchs mir doch nicht wissenn  
können/ weil die schrift vns solchs nicht sagt/ Sondern auch dz  
man die Heiligen zu Götter gemacht hat/ das sie vnser Patron  
haben müssen sein/ die wir anruffen sollenn/ Etlich auch die nye  
gewest sind/ Vnd einem iglichen heiligen sonderliche krafft vnd  
macht zu geeigent/ einem vber fiewr/ diesen vber wasser / diesenn  
vber pestilenz/ fieber/ vnd allerley plage/ das Gott selbs hat gar  
müssig sein müssen/ vnd die Heiligen lassen an seiner stat wirckē  
vnd schaffen. Disen grewel fülen die Papisten yetzt wol/ vnd zie  
hen heimlich die pfeiffen ein/ puzen vnnnd schmücken sich nu mit  
dem furbit der Heiligen. Aber diß wil ich yzt auffschiebē. Aber  
was gillts/ ob ichs vergessen/ vnd solchs puzen vnd schmücken  
also vngébisset hin gehen lassen werde.

Zum andern/ wisset yhz/ das Gott mit keinem wort gebot=  
ten hat/ wedder Engel noch Heiligen vmb furbit anzuruffenn/  
Habt auch yn der schrift des kein exempel / denn man findet/  
das die lieben Engel mit den vatern vnd propheten geredt ha  
ben/ Aber nye keiner ist vor yhnen vmb furbit gebeten wordenn/  
Das auch der ertzuater Jacob seinenn kampffengel nicht vmb  
furbit bat/ sondern nam allein den segen von yhm. Man findet  
aber wol das widerspiel yn Apocalypsi/ dz der Engel sich nicht  
wolt lassen anbetten von Joanne/ Vnnnd findet sich also / das  
Heiligen dienst sey ein lauter menschen tandt/ vnd ein eygen fun  
dlin auffer Gottes wort vnd der schrift.

Weil



Weil vns aber yn Gotes dienst nichts gebürt furzunemē on gottes beselh/ Vñ wer es furnimpt/ dz ist ein gottes versuchūg/ Darumb ist nicht zu rathen noch zu leiden/ das man die verstorbenn Heiligenn vmb furbit anruffe/ oder anruffen lere / sonder sols vil mehr verdammnen vñ meide lere/ Derhalbē ich auch nicht dazu rathen / vñ mein gewissen mit frembder missethat nicht beschweren wil. Es ist mir selber aus der massen saur worden/ dz ich mich von den Heiligen gerissen habe/ den ich vber alle masse tieff drinnen gesteckt vnd ersoffen gewest bin. Aber das liecht des Euangelij ist nu so helle am tag/ das hinfurt niemand entschuldigt ist/ wo er ym finsternis bleibt. Wir wissen fast alle wol/ woz wir thun sollen.

Vber dz so ist an ym selbs ein ferlicher ergerlicher dienst/ dz die leute gewonē gar leicht sich von Christo zu wenden / vñ lernē bald mehr zuuersicht auff die Heiligen/ den auff Christo selbs zu setzen/ Den es ist die natur on dz all zu seer geneigt von got vnd Christo zu fliehen/ vñ auff menschen zu trawen/ Ja es wird aus der massen schwer/ das man lerne auff Got vñ Christū trawē/ wie wir doch gelobt haben vñ schuldig sind/ Darumb ist solch ergernis nicht zu dulden/ damit die schwachen vñ fleischlichen leute ein abgötterey anrichten/ widder das erste gebot/ vñ wider vnser tauffe. Man treibe nur getrost die zuuersicht vñ vertrawē vñ den Heiligen zu Christo/ beide mit lere vñ vben/ es hat dennoch mühe vñ hindernis gnug/ dz man zu jm kompt vñ recht ergreiffet. Man darff den Teuffel nicht vber die thür malē/ Er findet sich wol selbs.

Zu lezt/ sind wir ja gewiß/ das got nicht drum zurnet / vñ sind wol sicher/ ob wir die Heiligen nicht vmb furbit anruffen/ weil ers nirgent geboten hat/ den er spricht/ dz er sey ein eyffterer/ der die missethat heimsucht an denen/ die sein gebot nicht halten/ Die aber ist kein gebot/ darüb auch kein zorn zu fürchten. Weil den hie auff diser seiten sicherheit ist/ vñ dort grosse fahz vñ ergernis wider gottes wort/ Warüb wolten wir vns den aus der sicherheit begeben yn die fahz/ da wir kein Gottes wort haben / das vns in der not/ halten/ trösten oder erretten kan. Den es stehet ge  
c schriebe



schriben/ Wer sich gern in die sabbt gibt/ der wird drinnen vmbko-  
men. Auch spricht gottes gebott/ Du solt got deinen herrn nicht  
versuchen.

Ja sprechen sie/ damit verdampstu die gantzen Christenheit  
die allenthalben solchs bissher gehalten hat. Antwort/ Ich weiß  
fast wol/ dz die Pfaffen vñ Mönich/ solchen deckel yhrer grewel  
suchen/ vñ wöllen auff die Christenheit schieben/ was sie verwar-  
loset haben/ Auff das/ weñ wir sage/ die Christenheit yrrer nicht/  
so sollen wir auch sagen/ dz sie auch nicht yrrer/ vñ also kein lügē  
auch yrrthum an yn müge gestrafft werden/ weil es die Christē  
heit so helt. Also ist den keine walfart (wie offenberlich der teufel  
da sey) kein ablas (wie grob die lügen sey) vnrecht. Kurtzumb ey-  
tel heiligkeit ist da/ Darumb solt yz hie zu soisage/ Wir handeln  
yzt nicht wer verdampft odder nicht verdampft sei. Dise frembdē  
sache mengen sie da her/ dz sie vns von vnser sache furen/ Wir hā  
deln yzt vō gottes wort/ was die Christenheit sey oder thu/ dz ge-  
höret auff ein ander ort. Die fragt man/ was gottes wort sey od-  
der nit. Wz gottes wort nit ist/ dz macht auch keine Christēheit.

Wir lesen zur zeit Helie des propheten/ dz offentlich kein got-  
tes wort noch gottes dienst war ym gantzen volck Israel/ wie er  
spricht/ Herr sie habē deine prophetē getödt/ vñ deine altar vmb  
gegraben/ Vnd bin ich gar alleine. Die wird der kōnig Ahab vñ  
andere auch gesagt haben/ Elia/ mit solcher rede verdampstu dz  
gantz volck gottes. Aber gott hatte gleich wol sieben tausent be-  
halte. Wie? Meinstu nit dz got vnter dem Bapstū yzt auch ha-  
be können die seinen erhalten/ ob gleich die pfaffen vñ münche in  
der Christenheit eytel teufels lerer gewesen/ vnd in die hell gefaren  
sind? Es sind gar vil kinder vñ junges volck gestorbē in Christo/  
Den Christus hat mit gewalt vnter seinē Widerchrist die tausē  
dazu dē blossen text des Euangelij auff der cantzel/ vñ dz Vater  
vnser/ vñ den glauben erhalten/ damit er gar viel seiner Christen  
vñ also seine Christenheit erhalten/ vñ den teuffels lerern nichts  
dauon gesagt.

Vnd ob die Christen gleich haben etlich stücke der Bapstli-  
chen grewel gethan/ so haben die Bapstesel damit noch nicht be-  
weist

weist  
ger i  
sten  
sie al  
vnser  
wisse  
zu ver  
Aber  
heim  
als g  
Bab  
treffl  
bewe  
wie r  
nu ha  
erlog  
heit r  
sten d  
Bap  
ye m  
ist da  
Chri  
vnd d  
wolt  
lige t  
puzē  
auff  
ge sch  
Ex



weist/das die lieben Christē solchs gern gethan haben/vil weni-  
ger ist damit beweiset/dz die Christen recht gethan haben. Chri-  
sten können wol yrrer/vnd sundigen allesampt / Gott aber hat  
sie allesampt leren betten vmb vergebung der sunden ym vater  
vnsrer/vnd hat yhr solch sunde/die sie haben müssen/vngern/vn-  
wissend/vñ von dem Widerchrist gezwungen thun/wol wissen  
zu vergeben/vnd dennoch pfaffen vñ münche nichts dauon sagē.  
Aber dz kan man wol beweisen/das yn aller welt ymer ein gros  
heimlich mummeln vnd klagen gewest ist widder die geistlichen/  
als giengen sie mit der Christenheit nicht recht vmb / Vnnd die  
Babstesel haben auch solchem mummeln mit sewr vnd schwerd  
trefflich widerstanden bisz auff dise zeit daher. Solch mummeln  
beweiset wol/wie gern die Christen solch grewel gesehen / vnnd  
wie recht man daran gethan habe. Ja lieben Bapstesel / Komet  
nu her/vnd saget / Es sey der Christenheit lere / woz yr erstunckē/  
erlogen/vnd als die böshwichter vñ verrether der lieben Christen  
heit mit gewalt auffgedrungen/vñ als die Ertzmörder vil Chri-  
sten drüber ermörderet habt/zeugen doch alle buchstaben yn allen  
Bapsts gesezen/das nichts aus willen vñ rath der Christenheit  
ye mals sey gelert/sonder eytel districte/precipiēdo mandamus  
ist da/das ist yhr heiliger geist gewest. Solch tyrraney hat die  
Christenheit müssen leiden/damit yhr das sacrament geraubt/  
vnd on yhr schuld/so yn gefencknus gehalten ist. Vnd die Ksel  
wolten solch vnleidlich tyrraney yhrs freuels vns yzt fur ein wil-  
lige that vnderempel der Christēheit verkauffen / vñ sich so fein  
putzen. Aber es will yzt zu lang werdenn. Es sey das mal gnug  
auff die frage / Ein andermal mehr/ Vñ haltet mir meine lan-  
ge schrift zu gut. Christus vnsrer Herr sey mit vns allen. Amen.  
Ex Remo octaua Septembris. 1 5 3 0.

Martinus Luther  
Ewr guter freundt.

Dem Erbarn vnd fürsichtigen N. meinem  
günstigen herrn vnd freunde.



Faint, illegible text, likely bleed-through from the reverse side of the page.



Sen  
du  
h





ter  
er  
te  
keit  
on  
ch  
der  
che  
igt  
yfe  
ent  
der  
die  
nuff  
acht  
rch  
mpel  
gkeit  
und  
yre  
ob in  
sein  
so de  
dur  
reyg  
etner

rum  
Q  
m  
auf  
abt  
16. 11.  
A r.  
ular  
a. 5.  
no  
l  
e a  
on  
16. 11.  
12.  
L  
s  
der  
bu  
dra  
1  
ut  
m  
li.  
am  
dir  
ul  
l  
ul  
1  
11

✓











S.  
Stadtk...

625

1012

















Ein sendbrieff D.  
M. Luthers.

Von Dolmetscheñ

